

欽定剿平粵匪方略

欽定勦平粵匪方略卷二百九十四 壬戌

二月二十四日 丁丑 曾國藩奏言接奉

諭旨上海購買外洋船礮

命臣於水師官兵內遴派鎮將兵丁等聽候調遣查
楚軍水勇多係兩湖土著距江近而距海遠所
用師船不過長龍三板快蟹之類但能泛江不
能出洋上年七月臣覆奏摺內所稱俟輪船駛

至安慶漢口時卽令學習駕駛司放礮位亦言
用之於江面非言用之於海中也江與海雖同
一水面而風濤迴別氣候各殊自崇明出口繞
至上海非熟習洋面之人卽有寸步難行之勢
髮匪所擄之人多係江楚山民以臣愚料之必
無遽能縱橫海上之事臣忝任江督本有海疆
之責撥兵剿賊亦係分內之事無如所部勇丁

並非生長海隅勢不能遽於重洋用武不敢不據實直陳

同日薛煥奏言查浦東以高橋爲扼要之區我軍攻破高橋而浦西之警稍紓浦南以蕭塘爲進兵之路該逆負嶠蕭塘而浦北之勢愈迫臣督同蘇松太道吳煦等飭令華爾乘勝率隊直擣蕭塘賊營又令參將李恆嵩等分帶兵勇三

路接應並咨署提臣曾秉忠調派水陸隊伍截賊後路正月三十日華爾選帶常勝軍七百五十名復約英提督何伯法提督卜羅德各帶兵五百名車礮七架輪船十一隻齊抵閩行鎮二月初一日黎明渡過浦南率隊登岸近偪賊卡外國兵列於該鎮西北常勝軍列於西南對準賊營火器齊發賊衆憑壘抗拒槍礮子落如雨

華爾屢撲賊濠疊受槍傷七處該逆堅伏不出
相持兩時之久幸英法車礮猛烈西北賊勢漸
靡華爾遂與副領隊白齊文分路帶隊涉濠而
過登時攻破西南礮臺外國兵亦乘勢撲入會
合與賊巷戰斬馘千有餘名另有賊黨深匿民
房白齊文首先槍入爲槍子擊傷當卽救回華
爾仍率隊焚燒賊巢踏毀礮臺五座殺賊不計

其數賊再三回撲常勝軍以洋槍奮擊並先於
東南路埋伏槍勇兩隊齊起截殺賊始敗逃我
軍追逐數里收隊仍回蕭塘共計斃賊二千餘
名生擒七百餘名救出難民一千餘名當華爾
衝進賊卡時有南橋逆衆來援李恆嵩等帶隊
由東西兩路合力兜剿擒斬甚多餘皆奔潰惟
時署提臣曾秉忠親督礮船並派陸軍馳至張

堰賊已望風先遁遂派水陸隊伍駐防該處以
杜援賊華爾正與英法將士會商進攻南橋臣
適接據松江寶山各營稟報該逆分股四出撲
犯泗涇等處又據金山縣稟嘉善平湖之賊水
陸並進意圖竄犯洙涇因令華爾率常勝軍暫
回松江並飭各軍均回原防徐圖進取一面咨
會曾秉忠調回水陸隊伍嚴扼洙涇要隘以冀

力遏兇鋒至華爾衝鋒陷陣奮不顧身雖受多
傷仍不稍卻竟能埽平賊壘實爲出力異常儻
蒙

綸綍寵褒

賞晉頭銜益當感激奮興力圖報稱白齊文受傷甚
重現飭趕緊醫治常勝軍奮勇爭先已分別從
優犒賞

薛煥又奏言 臣欽遵

諭旨傳知福建糧道趙景賢速赴新任如一時未能
起程卽令悉力防剿以待援師其銀米火藥等
項 臣 諄飭司道趕緊設措源源接濟惟自逆匪
於正月初二日奪踞大錢口自滬至湖之路阻
隔不通屢次專人往探僅能行至離城一二十
里地方聞逆衆二十餘萬四面圍住賊中傳言

集賢堂
五
趙景賢屢經出城衝殺無不獲勝擒斬甚多賊
皆畏而恨之所有恭齋

諭旨無從寄入湖城卽前解去之銀米軍火亦苦於
中途折回不能解到臣本擬分撥師船進攻平
望以冀牽制賊勢藉解湖城之圍無如節節梗
阻又值洙涇危急自顧不遑萬分焦灼浙江撫
臣左宗棠由江西入浙轉戰而至浙西尙需時

日急不能待惟有仰懇

飭下兩江督臣曾國藩飛催鮑超一軍速攻甯國廣
德由西路援救湖城取道較爲便捷

薛煥又奏言二月初七日嘉善逆匪由楓涇出
撲泖橋平湖逆匪由新埭出撲大泖塘署提臣
曾秉忠親督舟師分投剿擊該逆又竄至三家
村圍攻都司龔得貴營盤曾秉忠派令遊擊梁

世能等援救與賊接仗未能取勝該逆遂於初九日攻破襲得貴營立時進撲洙涇曾秉忠督率舟師回援失去礮船甚多洙涇各營俱潰逆衆乘勢闖入該鎮曾秉忠現在沿浦收集潰勇力圖收復臣聞報不勝憤懣查洙涇鎮係金山縣治爲曾秉忠駐紮督防之地所有礮船三百五十七號陸軍四五千名均歸調遣今洙涇各

防旣潰難保敵船不爲賊匪所得大爲黃浦各
口之患臣已飛飭駐泊閩行之參將張鳳翔等
會同英法二國輪船攔截潰下師船以免賊匪
濶入上海並飭李恆嵩一體嚴密查察毋使潰
勇入城當此松江上海四面受敵軍情萬緊之
際臣惟有加意防禦以期力挽危機至洙涇不
能固守實屬罪無可辭相應請

旨飭部將署江南提督臣曾秉忠嚴加議處並請將

臣議處所有失事文武各員容俟查明叅辦

薛煥又奏言福建陸路提督曾秉忠自署理江南提督以來統領水陸各軍一萬數千人駐紮洙涇非不身先士卒勞苦不辭而資格較淺閱歷未深取失之過寬紀律不能嚴肅此次猝有潰師之事恐難再振軍威伏思廣西提督馮

子材奉

命來滬統率諸軍若卽

飭令署理江南提督則威望固堪服衆而通省呼應
亦靈實於松滬軍務大有裨益至曾秉忠雖無
專閫之才尙勝偏裨之任儻蒙

聖恩降爲副將參將等職飭赴督臣曾國藩軍營令
其隨同老成宿將厯練數年自可漸增器識他

日或堪大用庶無負

聖主造就人才至意均奏入

上命議政王軍機大臣傳諭會國藩曰據會國藩奏
楚軍水勇僅能用之江面未能強令出洋等語現
籌購買外國船礮本擬用於江面剿賊並非施之
海洋惟楚軍由江北赴滬陸路多梗故有由海道
前往之諭此時購船一事諒可卽有頭緒所有應

配兵勇仍著曾國藩先事豫籌其如何赴滬臨時再行酌辦聞薛煥募勇四五萬人毫無紀律虛糜餉項前諭曾國藩催令李鴻章赴鎮江署理撫篆並因曾國荃須留皖北諭令於陳士杰到安慶後卽令赴滬該城僻處一隅於用兵固爲絕地而海關爲餉源所出自應亟籌保護此時陳士杰如已到皖著卽催令前往上海該臬司如尙未到並著

曾國藩於現在安慶人員內揀派帶兵得力大員
速行赴滬一面起程一面具奏將該處兵勇力籌
整頓務使人人足用餉不虛糜洋槍隊極稱得力
其人數如可增添自應飭令添募以資得力曾秉
忠已革職江南水師提督職任緊要俟曾國藩所
派之帶兵大員到後卽令接署前因湖州危急諭
令道員趙景賢卽行赴任本日據薛煥奏自正月

初二日賊匪奪踞大錢口後音信難通探聞逆衆
二十餘萬將城圍住趙景賢屢次出城衝殺擒斬
甚多賊皆畏而恨之前奉飭令赴任諭旨無從齎
入解往之米糧軍火餉銀亦中途折回請飭催鮑
超速由西路援救較爲近捷等語趙景賢保守湖
州幾及一年實屬才略出衆人才旣應愛惜地方
尤關緊要斷無因賊氛甚熾無路赴援任令坐斃

之理統計各路軍營惟鮑超去湖州較近前據會
國藩奏稱該提督尙在青陽與湖州音信難通此
時已否前進卽著該大臣飭令速攻甯國取道廣
德進援湖州最爲要著如果鮑超兵頓堅城猝難
攻入仍須咨商左宗棠另行設法援應湖郡毋稍
延緩

上又命議政王軍機大臣傳諭薛煥曰外國兵同心

協助必須賞罰嚴明方足以示大公而昭激勸上海一隅有兵數萬如果一兵得一兵之用較之他處軍營尙易爲力薛煥當就現有兵力痛加整頓補足額缺嚴汰老弱務使餉不虛糜兵歸實用文武如有不職者卽須嚴行叅劾不可瞻徇情面狃於積習洋槍隊旣爲賊所畏卽多派壯丁勤加練習以厚其力華爾等奮勇可嘉亦須保全護惜俾

收指臂之助現在該逆分犯泗涇等處薛煥務當督飭在防各將弁實力勦辦無稍鬆勁洙涇失守各營潰退曾秉忠獨當一面未能力扼兇鋒實屬咎無可辭業經降旨革職飭令赴曾國藩軍營差委駐防洙涇之礮船兵勇並著薛煥迅速設法收集毋稍延緩

上諭內閣曰四品翎頂華爾自攻破高橋鎮賊匪後

卽進擣蕭塘賊營二月初一日華爾率常勝軍並
約會英法兩國提督各帶兵弁船礮渡過浦南對
準賊營火器齊發賊衆憑壘抗拒槍礮如雨華爾
身受槍傷多處與副領隊白齊文分路帶隊涉濠
而過攻破西南礮臺英法二國弁兵亦乘勢撲入
斬馘千有餘名另有賊黨深匿民房白齊文首先
搶入槍子擊穿右髀受傷甚重華爾仍率隊焚燒

賊巢踏毀礮臺五座殺賊不計其數另股南橋逆
衆來援亦經官軍分路兜剿擒斬甚多共斃賊二
千餘名生擒七百餘名救出難民一千餘名辦理
甚爲出力著薛煥督飭各軍乘勝進攻力圖掃蕩
四品翎頂華爾白齊文衝鋒陷陣奮不顧身雖受
多傷仍不少卻實屬異常出力華爾白齊文均著
賞加三品頂戴並著薛煥傳旨嘉獎

上又諭內閣曰署江南提督福建陸路提督曾秉忠帶兵駐防洙涇要隘當逆匪分股來撲失去礮船水路各軍紛紛潰退以致逆匪闖入實屬不知振作貽誤事機會秉忠著卽行革職發往曾國藩軍營差遣委用以觀後效

同日袁甲三奏言前派官軍會攻廬郡經臣指授機宜以梁園係進兵要路必須及早攻克方

無牽掣旋因楚軍已由南路進偏距城十里內
外平毀賊營數座其東門北門外賊卡亦經北
路練勇焚燬二座城外之賊無不驚惶恐懼都
司褚開泰等偵知梁園賊匪缺糧約合附近民
練出隊環攻賊勢不支於本月初三日四更後
潰營逃走該都司等追逐十餘里殺賊一百餘
名隨將梁園鎮要隘奪回卽時紮營三座派守

備曹克宜等會同駐守臣以附近梁園之香積寺等處均有賊圩復飭該都司等急圖掃蕩遂於初十日調隊先攻香積寺賊營其草塘沖黃大莊關家圩等處踞賊齊出救援未能得手次日復分練三千人四處齊攻斃賊頗多該逆遂於是日乘夜逃竄我軍隨將該處賊圩四座一併踏毀現在梁園池西池北地方均已肅清惟

東南店埠石塘橋等處尙有賊營數座與巢縣
踞賊聲息相通臣仍飭令力圖攻剿以免勾結
並飭總兵張得勝副將徐鵬會同統帶一千四
百人由吳家店一帶督同前派練勇五千人分
別布置潦營前進已據稟稱遊擊吳殿元等於
十里埠七里橋等處紮營連日城中出賊一二
千人分路攻撲均經隨時擊退俟營盤紮定卽

馳赴楚軍籌商進攻機宜臣仍飭張得勝等速與楚軍會合以冀逐漸廓清奏入

上命議政王軍機大臣傳諭曾國藩袁甲三曰梁園賊隘經都司褚開泰等會合附近民練攻克並調隊將香積寺等處賊圩四座踏毀梁園西北地方均已肅清袁甲三並派總兵張得勝等督同兵練滾營前進擬俟營盤紮定後卽赴楚軍籌商進攻

廬郡機宜此時楚軍已由南路進徧廬郡距城十里內外平毀賊營數座正可乘此聲勢會合進攻克復城池該郡城大而堅逆首陳玉城積猾善守難於力取惟有四面合圍斷其糧路逆衆可不戰自潰現在東南店埠石塘橋等處尙有賊營數座與巢縣踞賊聲息相通著曾國藩袁甲三飭令在營將士迅將店埠等賊營攻拔以斷廬逆聲援昨

據官文奏稱曾國荃新募楚勇十二營業已到鄂
並由鄂省籌撥餉需催令下駛此時計已行抵安
慶著曾國藩速飭該藩司規復巢縣並和含各處
城池以斷廬匪歸路毋稍遷延廬城西面有無賊
營現在有無官兵進攻未據袁甲三奏及如須添
兵圍攻卽著曾國藩袁甲三會籌續派兵勇前往
會剿爲四面合圍之計毋令該逆乘隙他竄又致

莫延

二十六日 己卯 楊載福奏言 臣欽奉

諭旨自應力疾赴營相機調度惟是臣從前被賊槍
礮擊傷腰膀連年轉戰辛苦備嘗未得靜心調
攝故積勞太甚傷疾大作去年歸家以來母病
未痊心力勞瘁加之去冬粵賊竄偏乾州復又
在城晝夜巡防風寒頻侵傷疾復劇飲食減少

步履維艱雖趕緊醫治而至今終未就痊惟有
懇

恩賞假三月在籍就醫一俟稍能舉動不待假滿卽
行赴營斷不敢故作遷延有負

高厚奏入

上命議政王軍機大臣傳諭曾國藩曰前因楊載福
懇請續假當經諭以水師分防池州等處江面必

得該提督躬親調度令其迅速起程茲據奏稱傷疾未痊請賞假三月在籍就醫等語楊載福自在軍營屢受厚恩當時提督中無與爲比該提督素知大義值此和合攻勦喫緊之時正臣子力圖報效之秋即使傷疾復發亦不妨赴營調治藉資坐鎮著會國藩傳諭該提督朝廷方資倚畀卽當迅赴池州軍營會同彭玉麟等力籌堵剿斷不能再

允給假該提督到營後卽由曾國藩馳奏以慰廑
念

二十七日庚辰大學士湖廣總督官文荊州將軍

多隆阿奏言逆首陳玉城自去秋黃郡隨州疊
被楚軍痛勦退竄皖北糾集黨衆盤踞廬郡修
城濬濠抗拒我軍臣官文咨商臣多隆阿於本
年正月十七十九等日飭令馬步各軍由舒城

移紮進剿距城三四十里一帶步步爲營漸次
偪城該逆於附城二十里內分踞四鄉不下四
五萬人窺伺我軍營壘二十四日總兵雷正綰
率所部移紮二十里鋪副都統溫德勒克西等
各率馬隊進紮大蜀山二十五日總兵石清吉
率所部移紮十八里岡該逆乘我軍修營未堅
由西門得勝門出賊六七千人兩路前來我軍

分路迎戰馬隊從後抄截該逆退歸城壘各營
且追且殺約斃老賊五六百名該逆於得勝門
西門外修築石壘四處中設買賣街並於城東
大興集築卡四處長甯河中廟一帶亦築壘四
處爲巢縣巢湖至廬城水陸運糧要路壘卡之
外均濬寬濠二三道環列木城密布槍礮意在
堅守不戰二月初一日雷正綰等進攻買賣街

賊壘該處阻隔深河士卒鳧水直前焚其礮船
貨船十餘隻城賊出援經我軍擊退卽時攻入
壘內斃賊三百餘名將買賣衙全行焚燒初二
日夜聞雷正綰復率隊馳抵大興集將四處賊
卡焚燬擒斬賊匪四五百名維時天色漸明各
營齊隊直下長甯河中廟賊首浦詳甫等不敢
拒敵率衆乞降隨隊帶回初四日石清吉等各

率所部分攻西門得勝門四壘拔毀木城填滿
濠溝各營齊豎雲梯爭先登壘該逆并死抵拒
陳四眼狗見我軍攻壘緊急指揮賊衆四五萬
人由東門南門西門水西門得勝門分救四壘
經雷正綰等軍分門截勦力戰擊回先後殺斃
各門悍賊八九百名其攻壘將士見城逆均經
擊敗一呼齊進時火燄衝天賊卽奪門逃奔城

根撤去釣橋我軍隔水未能輕追當將西門得
勝門四壘概行毀平共斃賊一千四五百名該
逆外勢雖失奈城垣周圍廣大四十里我軍萬
餘不能合圍況逆賊戒備甚嚴糧食充足立意
死守惟當嚴飭各軍設法攻取迅克堅城以期
仰慰

宸廑奏入

上命議政王軍機大臣傳諭官文曾國藩袁甲三李
續宜曰陳玉城盤踞廬郡經楚軍移營進逼拔其
壘卡現在賊勢已孤卽可迅速進兵力圖克復惟
廬郡城大而堅該逆戒備甚嚴非四面合擊約期
併舉不足以操勝算目下楚師進攻西面曾國藩
派出之軍攻其南面東面袁甲三一軍已奪回梁
園要隘平毀香積寺等處賊圩計可進逼廬城著

卽剋期進攻與楚軍會合夾擊其通廬城之巢縣
巢湖爲賊匪水陸運糧要道並著官文等派兵堵
截斷其接濟方足制其死命官文前奏統籌全局
須俟廬州攻克後方能分路布置直圖進取現在
賊勢窮蹙正可併力圍攻一鼓而下規畫東南大
局此爲要著毋得頓兵城下日久無功致該逆又
生狡謀

同日慶端奏言據總兵李定太等稟報龍游壽昌之賊分三路進圍衢州經副將郭啟舉等帶隊進剿正月二十六七等日屢獲勝仗因存城兵勇無多不敢追擊遂昌之賊竄犯江山縣境意圖斷我餉道經署藩司李元度督隊出擊正月二十四日在毛村地方擒斬賊匪多名該逆退踞大源口一帶又諜報遂昌一股添調老賊

二三萬欲由龍泉抄出松溪竄犯閩境處州松陽踞匪紛紛上竄以爲遂賊應援是各路軍情同時喫緊查衢防有李定太所部七千餘人又無豆左宗棠駐軍開化所統勁旅八千餘人足爲聲援江山常山已派李元度所部八千人扼紮迎剿並飭已革參將薛師儀等帶閩兵一千五百餘名在江山峽口一帶駐守尙堪分布浦

城一路先經臣派令護總兵閔長齡等節節扼
守惟江浦毗連處所山路紛歧誠恐不敷堵扼
現又添募壯勇委令署遊擊祝善銓等帶赴協
防計有三千餘人堪資守禦而龍泉松溪政和
三路僅有總兵林文察署臬司張銓慶等臺灣
贛州壯勇四千餘人參將楊三益等兵勇七百
餘人實形單薄松政可由水路直達建甯亦可

由陸路徑趨福甯不但閩省完善之區慮遭竄
擾並恐由建陽崇安旁竄江西截左宗棠後路
大局更難措手現經檄飭候補同知趙均添募
興化槍勇一千名飛速來營聽調並飭知府張
文斌召集建郡練勇以備扼守隘口之用總兵
曾元福所募臺勇二千因重洋繞隔甫經陸續
內渡已飛催兼程來營察看何路緊要調赴應

援臣現奉

諭旨飭紫浦城亟應欽遵辦理惟軍情朝夕變遷當
此龍泉松政後路同時驟緊不得不力籌保衛
以固完善臣部不滿二千策應各路已極爲難
若遽移浦城則調度未能靈捷於全局尤多窒
礙現將龍泉松政各防趕爲布置定於本月十
二日統師赴浦斷不敢片刻稽延再疊奉

諭旨飭令顏青雲由海道赴甯波攻剿現已檄令會同副將吳鴻源統帶師船迅速起程力圖進取
奏入

上會議政王軍機大臣傳諭慶端曰據慶端奏龍游等處賊匪分路上竄衢州及閩省邊防同時喫緊此時浦城一路情形固屬緊要而龍泉松溪政和三路兵力尙形單薄松政兩縣與建甯等處毗連

亦須力籌防堵該督現擬將龍泉松政各防趕爲
布置卽統師馳赴浦城一帶著卽相度各路情形
何路緊急卽督兵馳赴何路防剿不得株守一隅
以致顧此失彼總兵曾元福所募臺勇現已內渡
著卽迅催赴營以備援應李定太一軍前據該督
奏稱飭令派隊分堵龍游壽昌並令林文察一軍
進攻遂昌此次賊卽由龍游等處上竄該總兵何

以不能堵禦具攻剿接仗情形亦未據該督奏報
著查明詳細具奏現在賊勢上趨總由官軍節節
撤退所致該督務宜嚴飭各軍奮力進攻以剿爲
防不得退守觀望致成坐困之勢左宗棠一軍現
已進駐開化距衢城不遠著該督飭令李定太等
軍聯絡聲勢力圖進取至甯波一帶大股賊匪風
聞業已他竄僅留土匪踞守郡城正可乘機進剿

恩獎敘奏入

上諭內閣曰據慶端奏蕩平平陽賊巢殺賊數千名
生擒賊首陳日春等及賊目賊黨共百餘名辦理
尙爲得手著慶端督飭在事各員乘勝搜捕盡絕
根株毋留餘孽護平陽協副將王顯龍署平陽縣
知縣翟維本於逆氛初起不能隨時拏辦城陷後
復不能力籌堵禦實屬畏葸無能王顯龍翟維本

均著卽行革職在事出力員弁兵勇著准其擇尤
保奏

同日署漕運總督江甯布政使吳棠奏旨查鎮
營現在水陸正餉月需銀十六七萬兩自前年
蘇常不守餉源頓絕惟恃上海隨時接濟臣前
請由滬月撥鎮餉五萬兩先後委員赴滬催提
絲毫未解鎮營待餉急迫異常臣思上海餉源

究尙寬裕署藩司吳煦處可以籌餉之地有善
於籌餉之才且鎮營水陸諸軍本由江南支應
亦屬責無旁貸應請

旨嚴飭署蘇藩司蘇松太道吳煦督同許如駿辦理
江南糧臺其新增及沿江釐捐並支應事宜吳
煦遠在上海不能兼顧責成許如駿覈實經理
如釐捐辦理不妥支銷或有浮冒惟許如駿是

問如上海月餉推諉遷延以致貽誤要需惟吳
煦是問如此各專考成或可供支無誤

同日馮子材魁玉奏冒鎮江一軍餉需匱乏節

經臣等奏明將江北新增一切捐項先儘鎮營
之用並由上海關庫按月撥銀五萬兩廣東省
按月接濟三萬兩惟是入春以來待餉四十餘
日僅據上海委員解到銀一萬五千兩難給兵

勇不過二成有奇而續解若干尙無把握兵勇
枵腹荷戈實難措手查江南糧臺爲水陸軍需
總匯責無旁貸應請

飭下舊臣吳棠嚴飭臺員迅將各路新增一切捐款
先儘鎮江之用一面

飭下撫臣薛煥責成蘇松太道吳煦不論如何設法
趕將正二兩月奉撥銀十萬兩除已解外剋日

如數籌撥以後源源接解不得短少其廣東省
原撥鎮營銀三萬兩應請再行添撥水師餉銀
二萬兩一併

飭下勞崇光耆齡照數撥解接濟要需均奏入

上命議政王軍機大臣傳諭薛煥曰鎮江軍營爲南
北咽喉戰守均關緊要該營水陸正餉月需銀十
六七萬兩前經諭令薛煥於上海關庫月撥銀五

萬兩據馮子材等奏稱僅解到銀一萬五千兩續解若干尙無把握兵勇枵腹荷戈情形萬分危迫著薛煥督飭蘇松太道吳煦不論何款設法趕將正二兩月奉撥銀十萬除已解外剋日如數籌撥以後源源接濟不得短少上海餉源尙稱饒裕吳煦於籌餉一事亦能實心經理鎮營水陸諸軍本由江南支應責無旁貸所有江南糧臺事宜卽著

該撫飭令吳煦督同道員許如駿辦理其新增及沿江釐捐並支應事宜吳煦遠在上海不能兼顧卽責成許如駿覈實經理如釐捐辦理不善支銷或有浮冒惟許如駿是問如上海月餉推諉遷延以致貽誤要需惟吳煦是問薛煥卽傳知該員等遵照辦理毋得玩誤干咎

上又命議政王軍機大臣傳諭勞崇光曰鎮江軍營

餉需支絀該城爲南北咽喉戰守均關緊要著勞
崇光於前撥三萬兩之外再行添撥水師銀二萬
兩共五萬兩每月按數撥解不得短少遲誤以維
大局

欽定勦平粵匪方略卷二百九十五 壬戌年

三月初一日

癸未

山東道監察御史陳廷經奏言

臣訪得湖北巡撫嚴樹森不諳軍務不愜民情
俾專任封圻有不宜者四敢爲

皇上敬陳之嚴樹森乃奔走之才因辦理捐釐清查
等事爲胡林翼所任用戰陣之事實非所長上
年捻匪兩次撲犯河南省城該撫一籌莫展賊

至則閉門自守賊退則派兵尾追豫中人人切齒今移撫湖北尙能望其出境滅賊乎其不宜一也嚴樹森性情剛愎若官文待之如胡林翼賊撫必果於自用不相爲謀萬一彼此不和楚事必至決裂其不宜二也咸豐四年嚴樹森在江夏任內省城危急先期出城五年署隨州聞德安失守又帶勇潛逃以致隨州被陷楚人至

今齒冷一旦握撫篆所統僚屬所帶兵勇外雖
憚其權勢內實輕其品行萬一地方有事人心
渙散不遵調遣所繫非輕其不宜三也上游無
事曾國藩始得專心東下無後顧之憂該撫無
胡林翼之善謀又無李續宜之敢戰設布置稍
疏賊蹤闖入則曾國藩分兵不暇安望有成其
不宜四也謹就訪聞所及據實直陳奏入

上命議政王軍機大臣傳諭曾國藩曰嚴樹森操守
尙好留意吏治自涖豫撫任後尙無大過而人言
嘖嘖諒非無因特以辦事尙能認真且任鄂有年
曾爲胡林翼奏保是以簡調鄂撫冀收駕輕就熟
之功若如陳廷經所奏各節是該撫非特不諳軍
務抑且不協輿情任以封圻殊於楚事未有裨益
現在曾國藩籌畫東征必須後路策應有人鄂皖

聯爲一氣方能悉銳前行不至瞻前顧後關繫大局至爲緊要該大臣於鄂中人才兵勢見聞已稔嚴樹森果否能勝鄂撫之任抑僅長於吏治他務非其所習均著據實詳悉覆陳毋稍徇隱

初二日

甲申

都興阿奏冒據探金陵逆匪搶擄船

隻派偽護王等率領黨與三四萬衆麕聚下關江甯鎮一帶聲稱渡江救援廬州又稱欲守九

狀洲又稱仍竄浦口江浦六合等語又聞江南
各處逆匪擄船北渡現已在烏江等處屯聚數
逾十萬意欲乘虛竄撲瓜揚窺伺裏下河當經
黃彬吳全美由下游抽撥大小礮船二十六隻
星夜上駛沿江上下輪派師船晝夜巡防以期
周密揚防地勢寬廣現存馬步兵勇不足萬人
分布六七十里實形單薄詹啟綸一軍分防瓜

揚戰守尙可得力揚城池北灣頭瓦窰鋪一帶
已添派參將常勝統帶礮車八輛往來策應臣
惟當激勵將士相機勦辦總期保全完善以固
根本奏入

上命議政王軍機大臣傳諭曾國藩袁甲三都興阿
曰金陵逆匪分黨屯聚下關等處聲稱欲救廬州
又言欲守九洲洲仍竄江浦等處無非以多方誤

我之謀爲乘機竄擾之計陳逆在廬州勢漸窮蹙
爲該逆所必救曾國藩惟當督飭多隆阿等力圖
攻拔若待援賊悉衆而來必又費手袁甲三計可
偏近廬城著卽飛飭將弁會合楚軍剋日攻取毋
再玩延前諭袁甲三飭李世忠將天六降衆移紮
江浦浦口力籌進剿九洲洲現在賊匪既有仍竄
江浦各情該處防剿勢甚喫緊袁甲三卽嚴飭李

世忠認真防剿以牽賊勢毋稍大意都興阿前奏
擬派詹啟綸帶隊駐紮六合再酌調數營紮於天
長此時想已布置周密如該逆竄犯六合諒可有
備無患仍責令詹啟綸等小心防守以固江北藩
籬其烏江等處屯賊欲犯瓜揚該將軍添調師船
晝夜巡防所籌尙妥揚防兵力單薄自係實在情
形前調吉林黑龍江馬隊到揚都興阿認真訓練

分布要隘以資得力

初五日丁亥官文奏言劉嶽昭一軍攻克來鳳後

因敗賊逃竄尙不下五六千而利川咸豐境內
石逆黨與嘯聚尤多當督同知府陳洪鍾等將
施郡防勦事宜布置嚴密一面率隊赴紙廠溝
出臥平坪扼賊竄突正月十一日分軍赴忠堡
一帶誘賊出巢迎擊獲勝焚燬賊館十餘處該

逆驚懼欲遁十三日劉嶽昭分派各軍扼要攔截十四日忠堡賊衆四五萬已竄至散毛河白筆壩一帶官兵兩路橫截賊勢披靡餘匪向山隘狂奔兵勇裹糧搜勦斃賊數千十六日追至兩河口時方黎明賊不虞我軍猝至衆勇左右包抄殺賊又數千內有黃衣賊目三名生擒數百名解散脅從二百餘名奪獲騾馬百餘匹十

八日追至黑洞探報敗賊已分竄川境忠州一帶其利川咸豐等處並經陳洪鍾等率勇分剿斬馘尤多施屬次第肅清臣先料各軍剿辦得手敗賊必竄川黔各行該二省一體防剿並令劉嶽昭派軍先期進駐夔萬一帶以固川東要道兼保荆宜門戶又派總兵何紹彩知府唐協和等軍三千餘人同前派總兵張啟基遊擊唐

瑞廷等扼守宜施要隘以防該逆回竄並撥守
備樊國泰等礮船前赴四川夔州協防以靖邊
疆所有克復來鳳出力之總兵李復勝等相應
開列懇

恩分別獎勵節次陣亡之遊擊成漢堂等一併懇請
飭部從優議卹奏入

上諭內閣曰逆匪石達開竄併來鳳經劉嶽昭等督

率所部勇丁分路截勦立將縣城克復所有出力
員弁自應量予獎勵總兵李復勝副將李盛貴均
著賞給三代封典參將朱湘霖著免補參將以副
將留於湖北補用知縣李應春著賞換花翎朱暨
垣著俟選缺後以同知補用先換頂戴並賞戴藍
翎州判林肇元著免選本班以知縣留於湖北儘
先補用並賞加同知銜陣亡之遊擊成漢堂等均

著交部從優議卹

同日袁甲三奏言總兵張得勝等督率兵練進至廬郡城北由橫店地方紮至高橋及十三里古墩該逆以我軍愈逼愈近於十六日分股來撲經張得勝等截擊獲勝十八日張得勝徐鵬赴城南七里站楚軍營盤與總兵雷正綰石清吉等密商進攻機宜一切均聽多隆阿指揮二

十二十三等日城賊屢次撲我營盤均經擊敗
擒斬頗多刻下先將各鄉民圩次第收撫並先
攻取店埠以孤賊勢現聞店埠機有可乘臣已
密飭妥辦並據巢縣練總舉人李蓮等來營稟
報該練等合隊殺賊已於本月十二三等日將
柘皋炯煬河克復臣以柘皋炯煬均居廬巢之
衝爲該逆往來要道相距臣營太遠尙未能派

隊往紮卽責成該練總等駐守以杜賊援至西路潁壽一帶先據韓殿甲稟稱有潛運白硝接濟廬賊者爲該處練總陳桓等截拏又據張得勝鈔呈楚軍拏獲奸細搜出粵賊余汝琰白壽州致廬賊信函有苗沛霖發白硝一千斤運赴廬城接濟因道路未能一律通行囑廬賊迎提護解等語是壽廬勾通賊心叵測沿途團練亦

尚有接應之人臣已嚴飭各路堵截嚴拏務獲懲辦西路潁郡之圍至今未解博崇武帶同苗練進至潁上之劉家集現據稟報已與捻逆接仗臣又嚴飭該員迅帶所部兵勇並催苗練趕緊前進期與勝保會合力解潁圍奏入

上命議政王軍機大臣傳諭袁甲三曰現在多隆阿前敵營盤已紮廬郡城南之七里站袁甲三派出

之副將徐鶚等亦由橫店等處進紮高橋及十三里古墩官軍愈偏愈近逆匪分股來撲經總兵張得勝等截擊獲勝南北兩路軍威已振其東路之巢縣亦經練總舉人李蓮等將柘皋炯煬河克復杜賊來援之路惟西路潁壽各匪勾通廬賊並有苗沛霖將白硝運赴廬城之事沿途團練亦尙有接應之人不可不嚴密堵截著袁甲三嚴飭各路

練總隨時查拏務獲懲辦苗沛霖居心叵測進攻
潁上之舉未可深信博崇武依附苗沛霖本不足
恃現在該總兵帶同苗練進至潁上之劉家集與
捻逆接仗並著袁甲三嚴飭博崇武迅督所部兵
勇催令苗練前進會同援潁各軍力解城圍如再
不知愧奮卽著從嚴叅辦廬郡城大而堅此時南
北兩路兵力尙難合圍西面更覺空虛必須將該

處練圩分別招撫藉以補兵力所不逮著該大臣
密飭該將弁等迅速妥籌斷絕廬城接濟並須斷
絕賊援則剿辦更易得手

同日薛煥奏言青浦逆匪水陸並進圖犯松江
自二月初間竄撲泗涇各營屢次擊賊獲勝而
該逆日添日多十三日猝有大股直偪前營又
分股包抄後路李恆嵩等督飭各營弁勇緊護

牆濠水路賊船復連檣駛至守備劉厚和督帶
礮船轟擊相持七時之久適蘇松太道吳煦等
知會華爾率領洋槍隊八百名馳抵泗涇卽由
中路進攻李恆嵩等分路抄擊華爾首先衝入
賊陣槍斃騎馬黃衣賊目二名逆衆驚亂常勝
軍一擁而上斃賊無算餘匪大敗奪路狂奔踏
斷浮橋淹斃尤多中路之賊靡有孑遺華爾復

助水軍奪獲礮船十二隻燒燬礮船十餘隻小船百餘隻李恆嵩等亦將東西兩路竄逆同時擊退立解泗涇之圍至南翔黃渡竄出之賊沿途設卡復有大股屢撲七寶鎮經參將郭太平等分投迎擊均有斬擒並攻破吳家巷賊卡臣又添派副將熊兆周等前往助剿大小十餘戰皆捷賊雖屢敗不退訊據生擒賊供現係僞忠

王派來前隊俟大隊到齊後卽分犯松江上海
又據參將姜德稟稱嘉定城中及劉河劉行新
添水陸賊衆亦欲俟大隊到齊攻撲寶山姜德
於十四日分兵三路會擣賊巢沿途攻破賊卡
三處燒燬賊船五隻惟打鐵橋劉夏鎮王家寺
等處逆衆仍麕聚不散誠恐李逆大股縋至各
防久戰力疲辰下馮子材遵

旨仍留鎮江曾國藩所派援師尙無來滬之期臣惟
有督飭將士力攻賊壘奮勇圖功

薛煥又奏言自洙涇失守後署提督曾秉忠所
部陸路各軍均退至松江西門外之倉城二月
十六日曾秉忠督率水陸各軍進攻洙涇又復
失利潰至西馬港地方該處距松江僅十二里
辰下青浦大股逆匪均在鳳凰山一帶屯踞其

打鐵橋等處之賊仍窺泗涇營盤松江面而受
敵前調遊擊劉士奇帶楚勇七百餘名已到松
江李恆嵩令其紮營馮家墩以資扼堵臣已函
囑曾秉忠收集各軍扼紮西南要隘以固松滬
門戶徐圖整頓隊伍爲收復洙涇之計日來法
華虹橋徐家匯及浦東一帶逆衆紛竄距上海
城皆祇十餘里賊情叵測臣飭都司吳永敖等

各帶兵勇會同英法兩國兵丁分投截剿並令
野鷄墩七寶鎮各營一體出隊夾擊當此各防
處處有警專待督臣曾國藩所派勁旅迅速前
來以維危局

薛煥又奏言前奉獎勵華爾

諭旨當卽恭錄交吳煦宣示華爾甚爲感奮茲又在
泗涇剿賊勇往直前力解營圍實爲異常得力

可否仰懇

天恩賞給華爾副將銜之處出自

聖裁奏入

上命議政王軍機大臣傳諭薛煥曰現在洙涇爲賊
占踞不特松江喫緊卽上海亦應嚴防曾國藩所
派援軍未到之前著薛煥隨時相機調度力遏兇
鋒不得坐待援師致有貽誤曾秉忠前已有旨革

職交曾國藩差委著卽行派委將弁將其敗衆妥
爲統馭毋令滋事風聞前賞給華爾四品頂戴花
翎有並未服戴亦未薙髮之語薛煥前奏華爾願
隸中國改用服色等語是否確實現又俯如所請
賞給副將銜該洋人究竟能否感激領受並著據
實具奏

上又命議政王軍機大臣傳諭曾國藩曰上海爲餉

源所自出關繫大江南北軍務最爲緊要現雖得
洋人助力屢次獲勝而賊蹤尙未遠遁且據薛煥
片奏有曾秉忠自洙涇敗退後又復失利現已潰
至西馬港地方該處距松江僅十二里之語是曾
秉忠以屢挫之師禦方張之寇勢不能驟期制勝
薛煥本不知兵曾秉忠前已革職交曾國藩軍營
差委現在滬上並無帶兵大員足資倚任松滬門

戶在在堪虞著曾國藩仍遵前旨迅催臬司陳士
杰趕緊率領所部馳赴上海並迅催李鴻章赴鎮
於到防後迅速馳奏毋稍遲誤至曾秉忠所署江
南提督一缺並著曾國藩揀派得力鎮將署理卽
飭赴滬接統所帶兵勇整頓裁汰庶軍威一振可
以迅掃賊氛藉保餉源而維大局

上諭內閣曰華爾率隊剿匪疊著戰功前經賞加三

品頂戴此次衝鋒陷陣尤屬異常奮勉著加恩賞
加副將銜以示破格優獎

初六日戊子曾國藩奏言臣疊奉

諭旨飭催分路進兵所有旬日軍情謹分條具報一
曾國基募齊新勇分立營頭業經抵皖所募新
營亦次第將到臣擬令於二月十四日率領各
營進攻巢縣含山一帶一李鴻章新募淮勇暨

調撥湘勇均已募練成軍現擬籌給銀米令於
三月初二日自安慶起程會同曾國荃攻勦江
邊一路於巢縣含山和州之屬但能攻克一城
仍以曾國荃一軍圍攻他城李鴻章卽傍城衝
過以期迅達鎮江一僞英王四眼狗堅守廬州
令苗沛霖與捻匪連和西圍潁州東援廬州頃
據多隆阿搜獲苗營與狗逆僞函苗沛霖又與

逆首張落刑搆釁苗黨不得志於潁必將以全力援廬一李續宜於二月初九日行抵安慶與臣籌商一切卽將進紮六安其派援潁州之成大吉蕭慶衍兩軍已先後行抵固始離潁州不過百餘里援勦情形由李續宜自行具奏一左宗棠一軍自肅清開化後卽進攻遂安二月初九日分路進勦大獲勝仗克復遂安縣城聞僞

侍王將圍衢州左宗棠撥兵留守遂安自率大隊進援衢州其詳細戰狀應由左宗棠自行奏報一

諭旨垂詢蔣益澧赴浙較遠是否必應守候抑或別有勁旅可籌目下兵勇不敷分布實無別項勁旅可以調派赴浙仍須俟蔣益澧到後始能合力殲剿頃接蔣益澧來稟尙須親赴廣東索取

餉銀抵浙日期殊難豫定一浙江湖州陷入重
圍久無信息現據各處探報道員趙景賢尙在
湖城極力支持屢次出城擊賊獲勝該郡實尙
無恙惟孤懸賊中無路赴援徒深憂憤聞城中
米糧尙足支五箇月或可保全一徽州解圍後
績溪等處之賊分踞歙縣東南四五十里外時
時窺伺郡城臣以張運蘭一軍人數較多改令

朱品隆接防徽州騰出老湘營五千人爲遊擊之師本月十四日石太股匪復竄入羊棧嶺燒燬民房數處偪犯黟城十五日老湘營馳往堵勦甫抵漁亭該逆仍退出嶺外不敢深入目前歙休黟婺一帶必不可少此一支遊兵朱品隆旣換防徽城卽不能出嶺與鮑超合力進勦鮑超久攻青陽爲堅城所阻不能遽抵甯國終難

聖動浙中賊勢以上各條皆疊奉

諭旨垂詢之件謹分晰具陳

同日李續宜奏言臣於二月初九日馳抵安慶

應行覆奏事件謹分別具陳一臣派援潁州之

蕭慶衍成大吉兩軍於二月初一初五等日先

後馳抵固始距潁州僅一百八十里因米糧子

藥無多尙須設法購買臣已催成大吉等趕緊

辦齊星速赴潁迅解郡圍一浙江全省糜爛奉
旨飭臣精選一兩營迅赴浙江歸左宗棠調遣惟臣

所部各軍留三支在湖北分防襄陽德安麻城
若再撥三支分防潁州固始六安則進剿之師
頓形不足審時度勢實難撥營赴浙臣現與督
臣曾國藩熟商擬俟皖北軍情稍鬆再撥大支
勁旅助剿皖南浙江一臣忝膺疆寄奏報甚稀

本無可辭之咎惟臣拙於詞論前在湖北應奏
事件多係咨請官文辦理現與曾國藩同事一
方凡商行事宜擬懇

天恩准臣卽請曾國藩具奏

同日湖南提督周寬世奏言臣思湘境雖已一
律肅清而東南半壁羣盜如毛尙須用兵痛剿
臣向隨安徽藩司李續賓於太湖潛山等處勦

賊現查豫章皖浙等省正值需人之

年力正強急思圖報仰懇

賞准開缺俾臣專以剿賊爲事所有湖南提督並懇

另

賜簡放以專責成均奏入

上命議政王軍機大臣傳諭曾國藩袁甲三李續宜
曰賊匪麕聚廬州亟盼各軍會合四面兜圍爲一

鼓殲擒之計曾國荃募勇業已抵皖卽著曾國藩飭令迅帶各營進攻巢縣含山一帶遙爲攻廬各軍聲援袁甲三並須派兵助攻廬城李鴻章旣募勇成軍著俟巢含和一城克復後卽催令傍城衝過速達鎮江毋稍延緩四眼狗堅守廬州令苗沛霖與捻匪連和據多隆阿搜獲苗營與狗逆僞函有苗沛霖與張落刑構釁情事苗沛霖果能將張

落刑職除以明心跡或能爲楚軍前驅尙可暫緩
攻勦若僅以虛冒反正或阻截楚軍道路卽當節
節痛勦潁州待援孔亟成大吉蕭慶衍兩軍旣已
行抵固始著李續宜飭令星速進兵以解潁圍不
得以購買米糧火藥爲詞遷延觀望致誤事機左
宗棠一軍已抵衢州漸可爲攻復杭城之計著曾
國藩卽迅催蔣益澧全軍赴浙以期合力殲勦湖

州孤懸賊中趙景賢尙能極力支持堅守待援惜
鮑超兵頓青陽不能遽抵甯國朱品隆一軍又不
能出嶺會合著曾國藩飭令該提督速行進攻應
否添兵助剿卽著酌辦李續宜所部各軍分防各
路尙形不足未能撥兵赴浙自係實在情形著俟
皖北軍情稍鬆再與曾國藩商撥勁旅助剿皖南
浙江以資得力至李續宜請應奏事宜由曾國藩

具奏曾國藩身任兼圻皖省本其所轄嗣後如遇
應行陳奏事件仍著循照向章會同曾國藩具奏
如有軍情緊要不及會銜之件卽仍由李續宜單
銜馳奏勿庸拘泥周寬世奏請開缺專事勦賊已
明降諭旨令該提督毋庸開缺准其帶兵赴曾國
藩軍營差委周寬世向在安徽潛太一帶隨同李
續賓勦賊尙稱得力此時湖南邊境在在尙須籌

防未可遽云一律安靜該提督必欲舍其本任急思出勦立功是否奮勉出力抑係有激而爲著俟到營後由曾國藩察看據實具奏

上諭內閣曰湖南提督周寬世著毋庸開缺准其赴曾國藩軍營帶兵勦賊其湖南提督一缺卽著官文會同毛鴻賓派員署理

曾國藩又奏言本年正月

皇上特授李元度浙江鹽運使旋擢臬司

諭旨令臣轉飭該員奮勇立功以贖前愆查李元度
前於咸豐十年徽州失守案內經臣奏奉

諭旨革職拏問該員並不靜候審訊擅自回籍迨浙江
巡撫王有齡奏調赴浙李元度亦不具稟請示
卽行募勇起程名曰安越軍旋於義甯案內經
官文奏奉

諭旨賞還按察使原銜又於奉新瑞州案內經毓科
奏奉

諭旨賞加布政使銜其失守一案仍令臣酌覈查辦
查義甯奉新瑞州係賊匪先自退出李元度並
無打仗克復之事乃敢冒稟邀功實出情理之
外臣所以不遽叅奏者因其軍以安越爲名原
冀其顧名思義積愧成奮或能舍命救浙有裨

時局也乃李元度六月至江西八月抵廣信九月抵衢州節節逗留任王有齡羽檄飛催迄未赴杭救援是該員前旣負臣後又負王有齡法有難寬情亦難恕所有該員補授浙江鹽運使按察使及開復原銜加銜之處均請

飭部註銷仍行革職姑念其從軍多年積勞已久免其治罪交左宗棠差遣該員治軍一味寬縱多

用親族子弟所部安越軍八千人臣當與左宗
棠熟商或全行遣撤另派差使或酌留二三千
人令守城池俟立有功績再由左宗棠奏請開
復臣奏保在前咎亦難辭應請將臣交部議處
奏入

上諭內閣曰浙江按察使李元度前因徽州失守奉
旨革職拏問旋據官文等奏稱該員於義甯等處勦匪

出力屢經加恩賞還按察使原銜並賞加布政使
銜仍諭令曾國藩將失守之案酌覈查辦並因該
員在浙江龍游等處帶兵勦賊先後降旨將該員
補授浙江鹽運使並升授按察使以資鼓勵茲據
曾國藩奏該員前於革職以後並不候訊擅自回
籍其義甯奉新瑞州等處賊匪皆係自行退出該
員並未打仗輒敢捏稟冒功迨上年秋閒由廣信

抵衢州後經王有齡羽檄飛催並不赴援實屬法
所難宥請將該員革職免其治罪交左宗棠差遣
並因奏保在前自請議處各等語李元度著卽行
革職加恩免其治罪仍交左宗棠差遣以觀後效
曾國藩並著交部議處

同日慶端奏言臣於十二日由建甯府城拔營
途次疊接衢州文武稟報江山塘源口毛村一

帶之賊屯聚山巢二月初四日署藩司李元度
派守備賴長等帶隊馳赴毛村攻破賊巢另股
逆匪竄至江山之乾頂上臺等處經各軍截擊
槍斃賊目三四十名賊卽敗逃其由龍游壽昌
上竄衢州之賊愈徧愈近總兵李定太派隊分
路迎擊斬馘無算初九日逆匪撲近東南門營
盤復經官軍擊退斬獲多名先是處郡逆匪於

正月二十日竄陷青田臣查青田與溫州郡城
一水可通當催總兵秦如虎親率全隊兵勇馳
赴溫州迎頭邀擊三十日該逆大股猝至偏近
城根秦如虎派守備馬雲標等出東門接仗都
司李世進等首尾夾擊殺賊千餘名該逆紛紛
敗竄追殺二十里始行收隊臣查溫衢兩郡賊
所必爭官軍分路截剿雖均獲勝惟僞侍王等

糾率大股由衢城東北上竄勢甚兇悍江山常
山復有另股逆匪竄擾情形可危李元度現將
派守常山各營抽回江山合隊經左宗棠另派
勁旅接防常山計衢州兵厚城堅尙有外援可
恃而溫州一路逆匪竄越青田溫郡門戶已失
與瑞安泰順均屬可通尤恐台州黃巖兩路之
賊悉竄溫州秦如虎一軍數僅四千餘人實形

單薄臣已飛飭秦如虎等妥籌戰守力遏兇鋒
並咨福建撫臣瑞璜就近選調兵勇援溫防閩
閩省西路之建甯北路之福甯緊接衢處溫三
郡犬牙交錯現在遂昌逆匪已抄過江山縣城
逼近浦城其處州松陽等處之賊擾及雲和徧
近龍泉松溪閩省各路邊防萬分危急臣惟有
就現有兵力分布嚴守並會商左宗棠援應衢

州仍隨時視賊所向相機進取以勦爲防奏入
上命議政王軍機大臣傳諭慶端左宗棠曰龍游壽
昌遂昌各賊分竄衢州雖經李元度派兵將毛村
賊巢攻破並將竄至乾頂上臺等處另股賊匪擊
勦護勝不過小有斬擒其逼近衢郡之賊雖經李
定太派兵迎擊獲勝亦並未痛加勦除於軍務大
局何補李元度於失陷徽郡獲咎後不候曾國藩

審訊徑自募勇赴浙捏報克復義甯等城迨由江西率師援浙復節節逗留以致杭城失陷厥咎甚重本日已明降諭旨將李元度革職交左宗棠差委以觀後效該革員治軍一味寬縱所部勇丁多用親族子弟卽著左宗棠會商曾國藩嚴加甄汰分別去留此時衢郡江山等處正當防剿喫緊之時慶端現已由建甯移營浦城左宗棠現已由徽

郡進駐開化一切防勦機宜自可就近函商並著
左宗棠派兵於江山常山各要隘嚴密防堵如該
處兵力不敷分布卽著慶端撥兵援應毋令逆匪
上竄廣信致滋蔓延至衢處兩路防勦情形前經
慶端飭令李元度進攻龍游復令改攻壽昌並令
署總兵崇志及總兵李定太挑兵接攻龍游以總
兵林文察攻擣金蘭旋復令林文察等改攻處郡

又將李元度一軍撤回衢郡回防江常復又令林文察等進紮龍泉旋將林文察一軍改攻遂昌令李定太派隊夾擊號令無常朝更暮改李元度一軍旣因撤回衢郡致逆匪紛紛上竄其進攻龍游壽昌遂昌各軍亦並未與賊接一仗現在大股賊匪卽由龍游等處分路而來遂昌等處進剿之兵何以未經堵禦如有退避貽誤情形卽著左宗棠

查明叅奏此時青田縣城又爲賊匪竄陷前次疊
據慶端奏稱派兵進攻處郡何以青田失陷又未
經移兵往剿此時處郡賊氛連及溫州瑞安泰順
一水可通松陽等處之賊擾及雲和偏近閩疆溫
州復有大股賊匪撲犯慶端務宜實力籌防仍嚴
飭各路帶兵員弁力籌進攻毋得再以布置空言
一奏塞責溫郡爲閩省北路門戶秦如虎兵力尙

單如不敷防剿卽著該督添兵援應該郡團練尙
屬可用並著飭令地方官聯絡聲勢以資防堵至
溫處兩郡毗連閩疆賊匪儻聚集大股竄入閩境
勢將益形滋蔓或繞竄廣信則衢郡後路又爲賊
匪包抄左宗棠身任浙撫全省軍務皆宜統籌兼
顧疊據該撫奏報籌辦情形僅止顧及衢郡一隅
於溫處兩路防剿情形總未籌及亦屬疏略該撫

現已駐軍浙境所有溫處兩路軍務自宜妥籌布置與慶端隨時商辦務須嚴密堵剿毋令賊匪蹈瑕竄入閩疆致令大局潰裂

同日鄭元善奏甯汝甯土捻楊方衡等勾結髮逆圍攻新蔡縣城本月十五日該逆布列全隊四面圍攻忽城北地雷震發轟塌城垣十餘丈城內民房亦多震塌逆衆萬餘冒煙突火蠡擁

槍登知縣韓承宣督率外委陳繼先等並紳董
兵勇民夫搶護缺口奮力堵禦施放槍礮四時
之久計斃賊匪三四百名逆衆始行撤退惟該
逆仍復環踞圍困臣現飭藩司張曜於汝防各
營酌量抽調移緩就急力圖援救臣俟潁圍稍
鬆體察情形再由陳郡分兵前往新蔡縣知縣
韓承宣於髮逆圍攻援兵未至時堅守四十餘

日與汎弁營官等合力堵禦克保孤城洵屬謀
勇兼優不可多得所有尤爲出力各員先行開
列懇

恩分別獎勵奏入

上諭內閣曰粵逆圍攻新蔡縣城並用地雷轟塌城
垣十餘丈新蔡縣知縣韓承宣督同在城文武紳
董堅守四十餘日並搶護缺口奮力堵禦施放槍

毆逆衆始行撤退斃匪三四百名洵屬著有微勞
自應先行鼓勵知縣韓承宣著賞給佐勇巴圖魯
名號外委陳繼先著以千總儘先補用把總馬正
心著以守備補用並賞加都司銜軍功馬荷龍著
以把總儘先補用並賞戴藍翎